



Вазирлигинг 2021 йил “ 3 ” май даги
209 -сон буйруғига 7-илова

Олий таълим муассасалари талаба-ёшлари ўртасида ўтказиладиган “Миллий мақом санъати” республика фестивалининг Концепцияси

I. Умумий қондалар

1. Мазкур концепция олий таълим муассасаларида таҳсил олаётган талабалар ўртасида “Миллий мақом санъати” республика фестивали (бундан кейинги ўринларда Фестивал деб юритилади) ўтказиш тартибини белгилайди.
2. Фестивал халқимиз маданий меросининг ажралмас қисми бўлган миллий мақом санъати ўзининг қадимий тарихи, теран фалсафий илдизлари, бетақроқ бадиий услуби ва бой ижодий анъаналари билан маънавий ҳаётимизда алоҳида муҳим ўрин эгаллайди.
3. Ўзбекистон Республикаси Олий ва ўрта махсус таълим вазирлиги ва Республика Маънавият ва маърифат маркази томонидан 2021 йил 28 январда тасдиқланган Олий ва ўрта махсус таълим вазирлиги тизимида маънавий-маърифий ишларнинг янги тизимини яратиш бўйича 2021 йил биринчи ярим йиллиги учун “Йўл харитаси”нинг 37-банди ижросини таъминлаш мақсадида ташкил этилади.

II. Фестивалнинг мақсад ва вазифалари

4. **Фестивалнинг мақсади:** олий таълим муассасаларида таълим олаётган талаба-ёшлар ва профессор-ўқитувчиларнинг она Ватанга мухаббати ва садоқати, мумтоз мусиқа меросимиз намуналарини нотага олиши, мавжуд ёзувларни такомиллаштириши ва амалиётга жорий этилиши, мақом санъатининг ижтимоий-тарихий илдизлари, илмий-назарий негизлари, миллий ва умумбашарий қадриятлар билан боғлиқ жиҳатларини ўрганилишини назарда тутати.
5. **Фестивалнинг вазифалари:** халқ чолғуларида ижрочилик санъатини янада юксалтириш, моҳир ижрочиликни кашф этиш;
халқ чолғулари ижрочилигини юксак даражага кўтариш, миллий санъатимизни дунё сахналарига олиб чиқиш, иқтидорли ёшларни рағбатлантириш ҳамда уларнинг ижодини кенг тарғиб қилиш;
ёш мақом ижрочилигининг истеъдоди ва ижодий қобилиятини намоён этиш, уларнинг ижрочилик кўникмаларини янада ривожлантириш;
ёшлар орасида миллий мақом санъатига бўлган қизиқишини ошириш.

III. Фестивални ўтказишни амалга ошириш механизми

6. Фестивалда Республикадаги йўналиши мусиқа санъати бўлмаган барча олий таълим муассасаларининг талаба-ёшлари иштирок этишлари мумкин.
7. Фестивал ўтказиш юзасидан Ташкилий ишчи гуруҳини шакиллантириш ва тасдиқлаш.
8. Фестивалда иштирок этувчи олий таълим муассасаларини рўйхатини тузиш.
9. Белгиланган иш режа асосида фестивални ташкил этиш.

IV. Фестивални ўтказиш тартиби

10. Фестивал уч босқичда ўтказилади.
11. Фестивалнинг **биринчи босқичи** олий таълим муассасаси факультетлари талабалари ўртасида концепциянинг 1-илувасига мувофиқ бўлиб ўтади. Мазкур босқичда ҳолиб бўлган бир нафар иштирокчи кейинги босқичда иштирок этиш имкониятини қўлга киритади.

12. Фестивалнинг **иккинчи босқичи** Қорақалпоғистон республикаси, вилоятлар ва Тошкент шаҳрида жойлашган олий таълим муассасалари ўртасида мазкур концепциянинг 2-иловасига мувофиқ амалга оширилади.

13. Фестивалнинг **учинчи босқичи** якуний босқич бўлиб, ўтадиган жойи ва муддати Республика ишчи гуруҳи томонидан белгиланади ва 15 кун олдин 2-босқичда ғолиб бўлган олий таълим муассасаларига маълум қилинади.

14. Худудларда фестивални ташкил этиш ва ўтказиш бўйича Ишчи гуруҳ таркибига худуддаги ҳар бир олий таълим муассасалари келишган ҳолда тўрт нафар мусикий маълумоти бўлган вакиллардан Ҳакамлар ҳайъати жамоасини шакллантиради.

V. Фестивал шартлари ва баҳолаш меъзонлари

15. Фестивал қуйидаги 2 та шарт асосида ўтказилади:

1-шарт. “Миллий чолғу маҳорати ва унинг тарихи” Мазкур шартда иштирокчилар ўзи хоҳлаган ўзбек миллий чолғуларидан бирини чалади ва ўша чолғунинг келиб чиқиш тарихини сўзлаб беради.

Ушбу шарт иштирокчининг чалиш маҳорати ва чолғуга берган тарифини инобатга олган ҳолда 10 баллик тизимда, Ҳакамлар ҳайъати томонидан келишилган ҳолда ягона баҳо билан баҳоланади.

2-шарт. “Ижро маҳорати” мазкур шартда **Ўзбек миллий мақомларидан 1 та 6 дақиқадан ошмайдиган кўшиқ ижро этилади.**

Ушбу шарт иштирокчининг ижро маҳоратини ҳисобга олган ҳолда 10 баллик тизимда, Ҳакамлар ҳайъати томонидан келишилган ҳолда ягона баҳо билан баҳоланади.

VI. Ташкилий ишчи гуруҳ комиссияси

16. Фестивални савияли ўтказиш мақсадида ташкилий ишчи гуруҳ шакллантирилади.

17. Ташкилий ишчи гуруҳга иштирокчилар маҳоратини одилона баҳолаш вазифалари юклатилади.

VII. Фестивал ғолибларини тақдирлаш

18. Фестивалнинг 1-босқичида иштирок этган барча иштирокчиларга олий таълим муассасасининг сертификати топширилади.

19. Фестивалнинг худудий 2-босқичида Республика босқичига йўлланмани қўлга киритган иштирокчилар олий таълим муассасасининг диплом ва фахрий ёрликлар ҳамда эсдалик совғалари билан тақдирланади.

20. Фестивалнинг Республика финал босқичида ғолиб бўлган 1, 2, 3-ўринлар иштирокчилари Олий ва ўрта махсус таълим вазирлигининг олий таълим муассасаларини ривожлантириш маблағлари ҳисобидан қуйидаги тартибда:

1 - ўрин – 5 миллион сўм,

2 - ўрин – 4 миллион сўм

3 - ўрин – 3 миллион сўм пул мукофотлари билан тақдирланади.

VIII. Якуний қоидалар

21. Фестивални ўтказиш билан боғлиқ барча харажатлар белгиланган тартибда копланadi.

22. Мазкур Концепция ижросини назорат қилиш Республика Ташкилий ишчи гуруҳ зиммасига юклатилади.

23. Худудий ва якуний босқичда иштирокчи ва масъулларнинг келиб кетиши, жойи ва овқатланиш харажатлари ҳамда Республика Ташкилий қўмита тамонидан

белгиланган Ҳакамлар ҳайъати азолари хизмат сафари билан боғлиқ сарф-харажатлар ходимнинг асосий иш жойидан қопланади.